



UNIVERSITÄTS-
BIBLIOTHEK
PADERBORN

Corpus Juris Canonici

Gregor <XIII., Papst>

Coloniae Munatianæ, 1665

De Consecratione Ecclesia Vel Altaris. Titvlvs XXI.

[urn:nbn:de:hbz:466:1-62915](https://nbn-resolving.org/urn:nbn:de:hbz:466:1-62915)

Idem.

Quamquam a pedagiorum exactionibus, tam jure canonico, quam civili regulariter merito sint damnatae: tantum tamen districtius ne ab ecclesiis & personis ecclesiasticis talia exigantur, prohiberi oportet, quanto si id fiat, major in detractionem reatus incurritur, & offensiva evidentior comprobatur. Cum igitur ecclesia ecclesiasticæque personæ ac res ipsarum non solum jure humano, quinimò & divino, à secularium personarum exactionibus sint immunes: constitutionem felicis recordationis Alexandri Papæ IV. prædecessoris nostri (qui statuit ecclesias & personas ecclesiasticas ad pedagia & gaudia penitus non teneri, nec ad exhibendum vel solvendum talia pro rebus suis propriis, quas non causa negotiandi deserunt vel deserri faciunt, seu transmittunt.) Volentes propter multorum insolentiam & abusum poenæ adminiculo adjuvare, adjicimus districtius inhibendo (contraria consuetudine quorumcumque, quæ dicenda est corruptela verius, non obstante) ut nec collegium, nec universitas, nec aliqua etiam singularis persona cuiuscunque sit dignitatis, conditionis aut status, à præfatis ecclesiis, aut personis, pro personis ipsis aut rebus prædictis talia exigat, vel extorqueat; per se vel per alium, suo nomine vel etiam alieno; aut eas ad hujusmodi persolvenda compellat. Qui vero contra fecerint, si personæ fuerint singulares, excommunicationis: si autem collegium vel universitas, civitatis, castri, seu loci alterius cuiuscunque, ipsa civitas, castrum vel locus interdicti sententias ipso facto incurrant: nec ab excommunicatione hujusmodi absolutionem vel interdicti relaxationem obtineant, donec exacta plenariè restituerint; & de transgressione satisfecerint competenter.

CAP. V.

Archiepiscopus visitare potest provinciam ac etiam iterare, licet suffraganei non sint negligentes: Et tunc confessiones omnium audiat, absolvet, & poenitentias imponere, h. d. Domini.

Idem.

Perpetuò d' declaramus edicto, Archiepiscopum posse, secundum tenorem constitutionis felicis recordationis Innocentii Papæ IV. prædecessoris nostri: super hoc edite, suam provinciam visitare liberè, licet non sint ejus suffraganei negligentes, & iterare visitationem eandem, ac procuraciones à locis recipere visitatis. Consuetudine (si qua forsitan ab ipsis suffraganeis vel ab aliis allegatur) præmissis contraria non obstante. Potest etiam idem Archiepiscopus dum visitat confessiones subditorum suffraganeorum audire, ac absolvere contentes; & ipsis poenitentias injungere salutares.

DE CONSECRATIONE ECCLESIE VEL ALTARIS.

TITVLVS XXI.

CAP. VNIC.

Polluta ecclesia pollutum est cæmeterium illi contiguum, sed non remotum. Pollutio cæmeterii ecclesiam non pollutat, licet contigua existat. Polluto uno cæmeterio, aliud illi contiguum pollutum non est, licet per portam de uno in aliud detur ingressus, hoc dicit Dominicus.

a Vide conc. Lat. sub Alex. III. c. 22. & conc. Trid. Sess. 21. de ref. c. 20. b Ergo eat faciens probabit hoc sibi lueri, infra c. 2. de immuni. eccl. l. 1. cap. de vit. rez. not. Dom. & Phil. c. vide l. f. pu blicanus. s. rebus. ff. de publ. boni. d. vide conc. Trid. Sess. 24. de restr. c. 3. 4. à metropolitani verò dicitur intelligi qualiter hodie procedat dispositio hujus capituli.

Bonifacius VIII.

SI a ecclesiam pollui sanguinis effusione contingat, ipsius cæmeterium, si contiguum sit eidem, censetur esse pollutum: unde antequam reconciliatum fuerit, non debet in eo aliquis sepeliri: Secus si remotum fuerit ab eadem. Non sic quoque in casu converso sentimus, ut videlicet polluto cæmeterio (quamvis ecclesie contiguo) debeat ecclesia reputari polluta: ne minus dignum, majus, aut accessorium principale ad se trahere videatur. Non unum, sed plura cæmeteria esse noscuntur, quæ quamvis sibi coherentia, pariete tamen medio se junguntur. Ideoque violato eorum altero, alterum (licet de uno ad aliud per portam intermediam habeatur accessus) non propter hoc reputabitur violatum.

DE RELIQUIIS ET VENERATIONE SANCTORUM. TITVLVS XXII. CAP. VNIC.

Festa duodecim Apostolorum, quatuor Evangelistarum, & quatuor doctorum & confessorum ecclesie, scilicet Gregorii, Augustini, Ambrosii, & Hieronymi, sub officio duplici debent solemniter celebrari, Ioan. And.

Bonifacius VIII.

GLoriosus b Deus in sanctis suis, & in maiestate mirabilis, cujus ineffabilis altitudo prudentia nullis inclusa limitibus, nullis terminis comprehensa, recti censura iudicii celestia pariter & terrena disponit, etiam cunctos ejus ministros magnificet, altis decoret honoribus, & celestis efficiat beatitudinis possessores: illos tamen (ut dignis digna rependat) potioribus attollit insigniis dignitatum, & præmiorum uberiori retributione prosequitur, quos c digniores agnoscit, & commendat ingeniorum excellentia meritorum. Sic & alma mater ecclesie ejus sacra vestigia prosequens, & exemplo ducta laudabili, licet universos in regnis celestibus constitutos studiis honorare sollicitis & honoris effere præconiis non desistat: gloriosissimos tamen Christianæ fidei principes, athletas Dei electos, justos seculi iudices, lumina vera mundi, videlicet Christi redemptoris Apostolos numero duodeno contentos, qui viventes in carne prædictam ecclesiam suo precioso sanguine plantaverunt, ipsam erigendo sublimiter, & disciplinis sanctissimis dirigendo: Reverendissimos etiam patres virosque clarissimos quatuor Evangelistas Domini, per quorum diligentissima & fidelissima studia eidem ecclesie sacra Evangelia illuxerunt: Egregios quoque ipsius doctores ecclesie beatos Gregorium, qui meritis inlytus sedis Apostolicæ curam gessit, Augustinum & Ambrosium venerandos d. antistites, ac Hieronymum sacerdoti prædixit titulo, eximios confessores, summis attollere vocibus, laudibus personare præcipuis, & specialibus disponit honoribus venerari. Horum quippe doctorum perlucida & salutaria documenta prædictam illustrant ecclesiam, decorant virtutibus, & moribus informant: per ipsos præterea quasi luminosas ardentesque lucernas super candelabrum in domo Domini politas (errorum tenebris profugatis) totius corpus ecclesie tanquam sydus irradiat matutinam: eorum etiam secunda facundia celestis irrigui gratia influente scripturarum anigmata referat, solvit nodos, obfutura discudat, d.

a De materia hujus decretali, vide plene Turcrematum & alios in cap. ecclesie de consecrat. dist. 1. b Vide Chassanum in Catalogo gloria mundi, par. 3. considerat. 20. & multu sequentibus. c Vide text. 29. dist. 1. ad hoc. Font. d. Alios reverendos.